

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Illvstrivm Virorum Epistolae, Hebraicae, Graecae et
Latinae, Ad Ioannem Reuchlin Phorcensem virum nostra
aetate doctissimum diuersis temporibus missae**

Reuchlin, Johannes

Hagenoae, 1519

Philippus Beroaldus iunior, Ioanni Reuchlin Phorcensi s.

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

IO. REUCH. LIBER SECVND.

cauerimus, In nomine patris & filii & spiritus sancti esse factum.
Dat. Romæ apud S. Augustinum. Anno M. D. XVI. die xx. Men-
sis Octobris. Sub Fraternitatis sigillo.

Aegidius Generalis Eremitarum S. Augustini,
Ioanni Reuchlin. D. P.

AL L A T V M ad me munus tuum, ut nouum, ita omnibus
admirandum mortalibus, me beauit. Quippe qui rem tam
tam quantam nullæ unquam hausere aures, ad me perferri
tam diligenter procuraſti, ut ne ipſo quidem Pontifici Sūmo paſ-
ſus ſis me fore poſtერიorem. Ago quas poſſum gratias quod edide-
ris, ad me miſeris, primumq; mihi perſpectum iri curaueris. Factū
eſt ut Hebrais ſecreta non inuideamus, græcis ſua arcana per te la-
tini nunc aperiāmus. Vtriq; quid ſapientum myſteria ſibi uolue-
rint, te alte referante intelligamus. Spero ſanctiſſimum Dominū
noſtrum ut omnium ſapientiſſimum, & liberaliſſimum in omnes
mortales, ita in tua merita propenſiſſimum futurum. Tu roga, ut
diu uiuat & ſœlix ſit. Nunquam tanti principis bonos pœnitebit.
Romæ XXIII. Maii.

Philippus Beroaldus Junior, Ioanni
Reuchlin Phorcenſi S.

SA E P E antea cogitauit literas ad te dare, quibus amicitia in-
ter nos fulciremus, ita enim amor in omnes ſtudioſos meus,
ita uirtutes ſuadebant tuæ. Ita Queſtenbergus noſter hortaba-
tur. Sed illud ſæpe me conantem, aliæ curæ tranſuerſum egere.
Martinus uero Groningus uir bonas lras bene doctus, ac utriuſq;
noſtrum amantiſſimus currentem incitauit. Quo conciliatore,
ad iſthanc amicitiam captādam cum uſurum me cogito, pro cer-
to habeo, eam nequaquam ullo tempore poſſe elabi. Et me Her-
cules hominis dexteritas, & tua ſumma humanitas effecerunt, ne
anxie me torquerem ad epiſtolam aliquam elegantiorem compo-
nendum, qua te mihi poſſem deuincire. Nam me tibi iandiu non
modo amicum, prope dixerim aduocatum fuiſſe in cauſa illa tua
confragoſa, ex aliis audire te malo. Libros tuos Pythagoricos Pō-
tifex legit auide ut res bonas ſolet: Eos nunc euoluit maximus an-
tiſtes Cardinalis Medices, huius cum guſtum ſaturauerint, me cō-

C

EPIS. ILLVST. VIRORVM AD

uiuam habebunt, qualem iandiu habuerunt libri de Verbo Mirifico per te & docte compositi, & eleganter perpoliti. Vale. Romæ viii. Kalend. Iunias. Anno M. D. XVII.

Philippus Beroaldus Iunior, Ioanni Reuchlin Phorcensi.

DOCTISSIME uir salue. Quod literis tuis hæctenus nõ respõderim, in causa fuit, Pontificis ab urbe secessus, meaq; in urbe mora. Accessit etiam ualetudo aduersa Anconitani, quo sine parum proficere poteram. Tandem & Pontifex rediit & Anconitano incolumitas restituta est. Res tuæ iam in uado cõstitutæ sunt. Philosophus tuus quem tuis literis mihi commendafti, Venetias ire in animo habebat. Nã hic illi arti nullus quæstus nec fides ulla. Cæterũ qui tibi has literas reddit Ioannes Heitmers Commissarius est Pontificis destinatus ad Germaniæ partes pro libris antiquis qui desyderantur, munitus uenit multis literis pontificiis & diplomatibus. Sperat se om̃ino aliquid boni eruturum. Significauit autem Pontifici posse te plurimum negotio isti fauere, qui diu tanquam sagax canis uepreta omnia & nitedulas olferceris. Quare mihi commisit, scriberem ad te, uelles operam tuã ad istam rem impertiri, consilio scilicet iuuare, monitionibus, indagine, autoritate non deesse, præsertim apud Præsulem Vuoromaciensem. Crede mihi doctissime Capnion, te animum Pontificis optimi in te certe amando diu excitatum, hac potissimũ opera arctissime tibi deuincturum. Nam hæc illi cura non in postremis est. Vale, & me ama. Romæ v. Decemb. M. D. XVII.

Laurentius Behem Canonum Doctor, Canonicus senior & Scholasticus S. Stephani Babenbergen.

Ioanni Reuchlin Salutem oprat.

HAECTENVS ex eo inquam quo in urbe simul dulciter cõuersati fuimus, filii. maxime cum ubi locorum esses ignorarem, nec qui opportune meas ad te perferret haberem: At nunc quia tuus discipulus, amicusq; meus Bartholomæus Casar ad tuã excellentiam uti sitibundus ad scientiarum fontem proficiscitur, nolui cõmittere, ut sine meis hoc est testimoniis meã erga te pristinã bñuolentiã ad te ueniret. Tãtus enim meus est in te amor,